

Unt'n in da Köllarehr'n

Unt'n in da Köllarehrn
kost moxmoi d'Fassl'n red'n hern.
Auf d'Ganter liengan's no das Greß,
sauwag'wischt und rund und fescht.
Um Mittanocht, do san's erwocht
und hab'm a Fasslsitzung g'mocht.

Da Dreiß'geema – der liegt gonz hint' –
ois erschta er des Wort glei er nimmt:
„I bi da Chef do in da Rehrn
und mecht' koa Widared' net her'n!
Bis zum Peu gonz ob'n hi
voi mit guid'n Grean i bi.“

Daneb'm glei moat da Fufzehneema:
„So wichti muißt di a net nema.
Mee Blauburger is mollat, rund,
dung'lrot und pumpalg'sund.
Dee Greana owa schmeckt net fee.
's wird do net a Böckser¹ see.“

Ui! Do wird da Dreiß'ga wüd:
„Du Depp bist wirkli net im Büld.
Mee Inhoit wird a DAC,
wia soi des mit an Böckser geh'?
Owa ma dazöht si a,
bei dir drin hot's an UTA².“

Do erscht da Kloane protestiert,
dass rot a jede Taufö wird:
„Koan UTA, den hob' i net.
Bei mir gibt's so wos Grauslig's net!
Und außadem schwoaßt du beim Zopfa,
du schiacha, du oida Potschochta!“

So hob'm's g'wad'lt no a Weu.
Beim Schimpfa wor do koana feu.
Eh klor, wor'n's hab donn aufanond,
nix hob'm's g'red't mehr mitanond.

¹ Fehlton beim Wein (nach Knoblauch, Zwiebeln, gekochten Kohl oder Fäulnis

² Untypische Alterungston (stumpf, wie übermäßig gealtert, mit deutlichem Petrolton, auch Mottenkugel- oder Naphthalin-Note)

Wos wor'n is aus de schleißing Wee?

Ma derf net unzufried'n see:

Salonsieger³ da oane wird,

da onare im Falstaff⁴ g'fihrt!

Jänner 2020

³ SALON Österreich Wein (härtester Weinwettbewerb Österreichs)

⁴ Ein österreichisches Wein- und Gourmetmagazin